

**Theologia Scholastica Secundum Viam Et Doctrinam D.
Thomæ Aquinatis, Doctoris Angelici**

In Celebri Archiepiscopali Benedictina Universitate Salisburgensi, methodo
& norma ibidem usitata publicè tradita, & in IV. Tomos digesta ; Qvorvm
Primvs Tractat De Deo Vno Et Trino, Deq[ue] Creatura Angelica ...

Mezger, Paul

Augustæ Vindelicorum, 1695

§. III. Opposita sententia statuitur.

[urn:nbn:de:hbz:466:1-73455](#)

& naturam divinam, necessariò etiam ponenda sunt utriusque constitutiva virtualiter distincta; sed pro essentia nullum convenientius est assignabile, quam esse à se, ut potè perfectione actualissima & presupposita omni alteri perfectioni attributali: similiter pro constitutivo natura rectissimè assignatur intelligere substantiale; siquidem in divinis non datur principium operandi nisi per modum actus secundi: prima autem operatio & actus vita secundus in pura intelligentia est intelligere, de quibus infer, plura.

§. III.

Opposita sententia statuitur.

I. Is non obstantibus ex oppositis fundamentis oppositum statuendum & dicendum; neque duos conceptus objectivis essentiae & naturae ab invicem virtualiter intrinsecè distinctos; neque duplex constitutivum utriusque in DEO admitti posse.

Ratio est primò: quod conceptus inferens imperfectionem in DEU admetti non potest: sed conceptus essentiae præcisus à conceptu naturæ infert imperfectionem in DEUM; ergo. Min. probatur, idèo in creaturis essentia virtualiter distinguitur à natura, quia esse est natura prius, quam operari, unde eadem entitas ut constituta sub actu essendi, (ubi habet conceptum essentiae) nondum concipiatur ut habens vel emanans actum operandi; adeoque ut constituta in potentia ad actum operandi. Sed iste conceptus dicit limitationem & imperfectionem repugnantem DEO, quia supponit primò distinctionem realem inter esse & operari: secundò prioritatem naturæ, quia esse præsupponitur non tantum unius vel alterius, sed omni operatio- ni: terriò conceptum potentialitatis & perfectibilitatis ab actu operandi.

Ac proinde quartò defectū purissima vitalitatis, siquidem conceptus cuiuscunq; operationis (in qua vita secunda consistit) extra linēam essentiae peti debet.

II. Unde *Ratio est secundò:* Vel concipis divinam essentiam in gradu essendi perfectissimo, vel non: si non; nec quidem concipis divinam essentiam; nisi forte conceptu tantum confuso, & solùm distincto ex imperfecto modo concipiendi: quia quascunque perfectiones divinas concipiimus, debeamus concipi per modum purissimæ actualitatis in illa linea; ut si concipis unum, debes concipere omninem possibilem & infinitam perfectionem, quæ in linea unitatis haberi potest: cùm ergo gradus essendi pertineat ad linēam essendi, nisi concipias perfectissimum gradum essendi, etiam non concipiis essentiam DEI in sua linea infinitè perfectissima. Si concipis essentiam in gradu essendi perfectissimo constitutam, necessariò exprimis, & concipiis ut vitalem & intelligentem; adeoque non concipiis essentiam, prout præscindit ab operatione & na- tura.

III. Confirm. Essentia ut præscindens à natura est radix proprietatum præscindens à radice operacionum: sed essentia divina hoc modo non rectè concipiatur; ergo. Min. prob. Essentia divina non potest concipi ut præscindens à vitalitate & gradu vita; sed hoc modo præcinderet à gradu vita.

cum enim vita secunda consistat in operatione, es- sentia præscindens ab operatione & principio ope- randi, etiam præscindit à gradu vita.

Tertiò. Estè à se & intelligere in DEO nec re, 13; nec ratione distinguuntur: ergo nec sunt virtualiter distincta constitutiva, nec ratione ipsorum es- sentia & natura virtualiter distinguui possunt. con- seq. est manifesta, antec. inf. probabim.

Quartò. Natura seu radix operandi saltem se- cundum communiorum Thomist. in DEO per AA. non est virtualiter distincta ab ipsa operatione; si- quidem non potest concipi per modum actus pri- mi: ergo etiam essentia non distinguuntur virtualiter à natura. Conseq. prob. Ideò non potest na- tura concipi per modum actus primi, & virtualiter distincta ab operatione intellectiva, quia concepi- retur ut incompleta & actuabilis in propria linea; sed etiam essentia, si foret virtualiter distincta à natura, conciperetur ut incompleta & actuabilis in propria linea: nam ultima actualitas essentiae vitalis est esse vitale; sed si essentia DEI concepi- retur præcisè sub actu essendi, abstrahente ab actu & principio intelligendi, non conciperetur sub illa actualitate essendi vitaliter; ergo non conciperetur ut constituta in ultima actualitate sua linea.

§. IV.

Solvuntur fundamenta contraria.

AD primam rationem contr. sent. nego min. 15, A universaliter sumptam. Esto enim quod non tantum actiones virtualiter transuent, sed etiam aliqua immanentes, prout in decursu patet, sive ab esse divino virtualiter distincta; primum tam operari, sive illa operatio, quæ dicit actualitatem perfectissimam vitæ intellectualis, videlicet intelligere, non est virtualiter distincta ab esse. Unde etiam linea operativa latissimè accepta, quamvis in operationibus consecutivis ad constitutionem esse & vita divina, admittat distinctionem virtualem à linea entitativa; non tamen eandem distinctionem exigunt ex vi sua linea, neque proinde illud axioma: operari sequitur ad esse, locum haber, nisi in operationibus creatis, quoce actu acci- dentales radicantur in esse substantiali, & vita primam substantiali prius natura supponunt. In divinis autem ad illas tantum operationes pertinet, que non constitutuunt gradum vita, sed jam constitutum supponunt. Ad prob. min. nego maj. neque enim ideò rationes entis & actus virtualiter intrinsecè distinguuntur in DEO, quia, secundum Thomisticam doctrinam, inveniuntur realiter fe- paratae in materia prima.

Ad confirm. Responsio patet ex dictis. Ad addi- 16. tamentum dico: conceptum naturæ non esse relati- tum, nisi secundum dici, cum sit communis tribus Personis: illud autem axioma est intelligendum de relativis secundum esse.

Ad secundam probationem, idem patet Respon- 17. sio: esto enim, quod in creatis natura superaddat operationem ad esse; siquidem ibi omnis operatio est extra linēam essendi; & idèo distinctione naturæ sit distinctione invenientis & inclusi; atamen in divinis cum aliqua operatio vitalis necessariò pertinet ad linēam essendi, non potest operatio totaliter ad esse superaddi, neque proinde dati distinctione invenientis & inclusi.

ARTI-